

“Dunyo o‘zi azaldan bozor...”

Yozuvchi Ahmad A'zam bilan suhbat

(“Darakchi” 2004 yil 1 mart)

Bandasi ortiq bilolmaydi

- Men kinoyulduz yo chempion sportchi emasman, uddalaganimdan uddalay olmaganlarim kop, vaqtimning katta qismini ijoddan kora, ijod haqida quruq gapirish bilan otkazganman, ozimga ozim qoyil bolmaganimdan keyin, boshqalarni nimamni aytib qoyil qoldiraman? Ozi, shoirdir, yozuvchidir, uning ijodi qiziqarli, shaxsiy hayotining uncha qiziği yoq deb bilaman. Maktabda oqiganimda shoirlarning ozini korishga juda mushtoq edim, Samarqandda talabalik yillarim viloyat osmonidagi yulduz shoirlar bilan bir fakul tetda oqidim, sal g‘ururliroq demasa, hammamiz qatori talaba edi ular ham; kitoblari chiqqan, she'rlarini ozim yodlagan katta shoirlarni korish orzu edi menga. Asqarali Sharopov degan farğonalik adabiyotshunos olim meni Samarqandda ham qorib-qonjib yurardi. Toshkentda endi ishlayotgan paytlarim, xudo rahmat qilsin shu kishi ham malaka oshirishga keldi-da, «Seni zor shoir bilan tanishtirib qoyay», deb bir ziyofatga yetaklab borgan... Shu-shu, bir umrlik saboq bolib, ijodkor zotining shaxsiga siğinmay qoyganman. Kim biladi, televizorda korinib turaman, menga ham havas bilan qaraydiganlar chiqar, shundaylarning hafsalasini pir qilmay deyman. Bandai ojiz, hamma qatori odamman. Lekin juda kop odamlardan yaxshilik korganman. Universitetda menga osha paytdagi nomdor olimlarni qorqmay tanqid qilgan yosh aspirant Hotam Umurov (hozir professor) ham rahbar, ham g‘amxor bir dost bolgan, Toshkentda meni davrning eng otoqli olimi, shaxs sifatida ham ulug‘ inson Hamid Sulaymon domla ishga olib, yolga solgan, kop yoshlarga sidqidil ustozlik qilgan Asqad Muxtor bilan birga ishlaganman. Ozim haqimda «Men...» deb gap boshlamoqchi bolsam, «menim»da shunday ajoyib insonlarning katta ornı borligı esimga keladi-da, eng avvalo ular haqida gapirib, qarzimni uzishim kerak, deb indamay qolaman. Va albatta, oilam ham tayanchim: shoira Faroğat Kamolova turmush ortoğim, oğlim, qizim, yana bir qizim – kelinim bor... Bularning hayoti qiziqroq, oğlim bilan kelinim Jahon iqtisodiyoti va diplomatiya universitetida birga oqigan, oğlim oqishini Angliyada davom ettirib, Sarrey degan universitetni bitirdi, qizim Iqtisodiyot universitetining oxirgi kurs talabasi, uchalasining ham sohasi jahon iqtisodiy aloqalari, uchalasi ham xorijiy tillarni biladi, masalan, qizim «Oshin», «Qish sonatasi» kabi teleseriallarni tarjima qilgan, hozir ingliz tilidan yangi bir serialni ogiryapti, akasi bilan hamkorlikda. Oilamizda ota yozuvchi, ona shoira, etadi shu, bolalarimiz amaliy ish qilsin deb yozuv-chizuvga yolatmaganmiz, lekin bir jihati tortib turar ekan.

Bandasi ortiq bilolmaydi

- *Ahmad aka, siz ijodkor insonsiz. Tangri taolo ijodkor qalbni bashorat qilish qobiliyati bilan qo'shib yaratgan. Xosh, ayting-chi, adabiyot bilan yashaydigan kun qachon keladi? Odamlarni bozordan oz qalbiga qaytaradigan kuch bormi?*

- Meningcha, ijodkorning bashorat qilish qobiliyati ko'proq otgan kunlarga, moziyga yonalgan bo'ladi. Vaqt otgani, bo'lib otgan voqealar otmishga cho'kkani sayin uning shuuri tiniqlashib, ilgari ko'rgani narsayu hodisalar zamiridan kutilmagan, yangi bir jihatlarini kashf eta boradi. Tinmay tozarib boradigan shuur unga bugunu kelajakning ham ko'p jihatlarini oydinlashtiradi. Albatta, hamma odam ham ko'p narsalarni oldindan sezgandek, nimanidir oldindan bilayotgandek bo'laveradi, lekin qandaydir sezim darajasida, donishmand, uvaysiy qalbli kishilarda esa bu tuyg'u, yillar, kopincha butun umr davomida toplangan bilim darajasi, mushohada quvvatidan tug'iladigan, mantiqdan kelib chiqadigan xulosalardan iborat bo'ladi. Konglimiz sezadi, xuddi nimadir bo'ladigandek, shu, xolos. Bandasi bundan ortig'ini bilolmaydi, uning bashorati shu sezimgacha. Sezim hali bashorat emas. Hozir, hozirdan keyin yo ertaga nima bolishi yolg'iz Ollohga ayon... Savolingizdan sal chalgidim, lekin adabiyot bilan yashaydigan kun qachon kelishini aytilish uchun bashoratchi bo'lish ham shart emas. Chunki bunday kun kelmaydi, ya'ni hech kim faqat adabiyot bilangina ertaga ham, indin ham yashamaydi. Albatta, hali ko'p odamlar o'zini adabiyotga bag'ishlaydi, badiiy tafakkurga umrini baxsh etadi, buyuk yozuvchilar yetishib chiqadi, ularning asarlarini minglab, million kitobxon o'qiydi, shundan tarbiyat topadi. Lekin hayot deganimiz har qanday adabiyotdan keng, ustivorroq, uning har qanday ijodkor oldiga qo'yadigan talablari, undan oladiganlari bor. Alisher Navoiyning yozgan asarlariyu u haqdagi afsonalar bizgacha etib kelgan. Ha, bobomiz adabiyot bilan yashagan, lekin hayotining bir qismini, xolos. Yo'q esa u yuzlab madrasayu masjid, xonaqohu rabotlarni qanday qurgan, minglab faqiru miskinlarga qanday osh-non ulashgan? Har qalay, nomiga ulug' vazir bo'lmagandir, adashmasam, Nizomiddin rutbasi unga hurmat uchungina berilmagan. Qolaversa, adabiyot ham buyuk mutasavvufning e'tiqodiga xizmat qilgan. O'zini faqat adabiyotga bag'ishlagan ijodkorlar haqidagi afsonalar ular vafotidan keyin buyukligiga qarab yaratilgan. Shoir bobolarimiz, meningcha, ijod qilishni adabiyot uchun tarkidunyo etish deb tushunmaganlar, u paytlari inson o'zini bag'ishlagan bo'lsa, faqat Yaratganga, uning qatrayu zarralari zuhur bo'lgan borliqqa bag'ishlagan. Keyin, bozor degan tushuncha kecha yo bugun kirib kelgani yo'q. Dunyo o'zi azaldan bozor, undan hech bir aqli-hushli odam ayro yashamaydi. Faqat shoro davrida bir umr soxta fidoyilikka, nimaligi va nimagaligi mubham yakka bir mafkura uchun «bol tayyor - doim tayyor» turishga, butun boshli xalq bo'lib yana o'zimizni xayoldagi, havodagi xalqqa bag'ishlashga organganimiz bois erkin dunyoga chiqqanimizdan keyin endi o'zimiz uchun ham yashashga, sarobning orqasidan chopavermay, o'zimiz uchun ham ishlashga, ya'ni bozor tamoyillariga konikish on'gaysizroq kechdi. Men bu jarayonda adabiyotni alohida ko'rmayman. Binobarin, fikrlaydigan, o'ylaydigan, ta'sirlanadigan odam adabiyotdan uzoqlashmaydi. Lekin boshqa bir muammo bor: badiiy adabiyot go'zallik, ma'naviy barkamollik ko'prigi bo'lish bilan birga bilim, www.ahmad-azam.com

axborot ham tashiydi, odamlarning qiziqishlariga ham aloqador, bugungi kunda esa dunyoni kengroq organishga tashnalik kitobxonni boshqa manbalar izlashga, adabiyotdan arzonroq vositalarga tortib ketayotir, ammo bu ham o'tkinchi deb o'ylayman, har qalay, oltin aynimas. Siz istayotgan, odamlarni qalbiga qaytaradigan kuch shu – adabiyotning o'zidir. Biz undan bugun uzoqlashishimiz, ertaga yana unga yaqin borishimiz mumkindir, lekin u yo'qolmaydi.

“Ahmoqdan botir chiqmaydi”

- *Bir qaraganda, hamma shoir bolib ketayotganga oxshaydi. She'rning, shoirning ko'payib borayotgani nimaning natijasi va nimaning alomati, sizningcha?*

- Shoirlarning ko'payishi yomon hodisa emas. Bizda har bir qishloqning shoiri bor, ba'zi joylarda bir nechtadan. Jilla qursa, chiroyli, qofiyali qadah so'zi aytib toylarni gullatib yuradi. Shularning ham odamlarni jonli she'riyatga tortishda hissasi bor. Umuman, har bir katta shoir bolaligida havaskor bo'lgan, katta adabiyot ham havaskorlikdan boshlanadi. O'zi, bunday olganda, nafaqat she'r yozadigan, balki umuman she'rni sevib o'qiydigan odam ham o'zicha shoir. Negaki, yozilgan she'r o'qilganda she'rxonning qalbida qayta voqe' bo'ladi, bu quruq aks-sado yoki ko'zgudagidek qaytariq manzara emas, balki she'r ta'sirida o'qigan odamning shuurida tug'iladigan boshqacha bir she'riy kayfiyat. O'qigan odamning she'rni tushunish, badiiy mushohada, ta'sirlanish darajasiga qarab uygonadigan bir holat mahsuli va bu juda shaxsiy kechinma, va albatta, odamning o'zigagina qiziq. Eshitgan yaxshi bir qoshiгимizni xirgoyi qilib yurishimizga oxshaydi. Albatta, xirgoyini hechkim sahnada pesh qilmaydi, lekin... negadir xirgoyini kitob qiladiganlar doim topiladi. Agar shundaylarning topilmasa to'plamchalariga isrof bo'layotgan qo'g'ozni aytmasa, buning ham zararli bir joyi yo'q. Bari bir, «yantoqdan atir, axmoqdan botir chiqmaydi». Lekin shunaqa qofiyaboz xirgoyichilar adabiyotga oralashib yurib-yurib, semiz-semiz kitoblar chiqaradi-da, oxiri shoirlikka da'vo qilib qoladi, ana shunisi yomon! Achinarlisi shundaki, adabiyotimizni shunaqa kitobi filning gavdasidek, qobiliyati ham filning miyasidek «atoqli havaskor»lardan ham benasib qilmagan! Ana shunaqalar adabiyotga isnod keltiradi. Ammo bundan ham fojia yasamaslik kerak, adabiyotda hamisha so'g'lom ruh ustivor bo'lib kelgan, u o'z kasalliklarini yo'l-yolakay o'zi davolab ketaveradi. Iste'dodsiz odam yostiqday she'riy romanni chop ettirsin, uni hech kim o'qimasa – asl she'riyatning o'ziga soxtalikni yaqinlashtirmasligi shu emasmi! Bosilgan hamma kitob adabiyot emas, faqat o'qiladiganlari tasarrufga kiradi, tasarrufga kirganlarigina adabiyot bo'ladi. Qolganlari har qanday bo'lmasin, parcha loydek – loyligida adabiyotning adl tanasiga yopishib turadi, qurigandan keyin palaxsa-palaxsa kochib tushib ketadi.

Bizda “sariq matbuot” bormi?

- *Xususiy gazetalarning soni kun sayin ortib bormoqda. Ularning qay birini o'qishga odamning aqli shoshib qoladi. Bu holga munosabatingiz qanday?*

- Bunaqa gazetalarining faqat mulk shakli xususiy, o'zi esa tamomila gazetxonning qiziqishlariniki. To'g'ri, mulk sifatida ilgariidek davlatga yo bir partiyaga tegishli emas (shoro zamonida esa ikkalasining ham farqi yo'q edi), balki xarajatini kotargan odamlarniki, lekin nimalarni kimning talabiga qarab bosishi jihatidan u ko'proq gazetxonniki. Chunki xususiy gazeta o'zini o'zi boqishi va foyda keltirishi uchun gazetxonning kongliga qarashi, nima qilib bo'lsa ham unga yoqishi, boshqalari bilan o'quvchi uchun kurashda o'z ornini topishi kerak. Shu ma'noda u katta ko'chaniki ham. Bizda tez-tez «sariq matbuot» degan ibora ishlatiladi, bu uncha to'g'ri emas. «Kocha matbuoti» deb ataganimiz to'g'riroq. Birinchidan, «sariq matbuot» iborasi bizda ko'zlangan ma'noni bermaydi, ikkinchidan bizda endi shakllanayotgan xususiy nashrlar, g'arbning «sariq matbuot»idan jilla qursa odobi bilan farq qiladi. Hozir ayrimlari bir oz quyushqondan chiqayotgan bo'lsa-da, sabr qiling, joyiga tushib ketadi. Fohishaning sarguzashtlari ham, xiyonat tafsilotlari ham, uchar likopchalaru jinu ajinalar haqidagi oldi-qochdi gaplar ham tezda badga uradi. Har qalay, shu narsalarning xaridorida andisha, o'y-fikr, oriyat bor, butun bir xalq sayozlikka berilib ketmaydi-ku. Bachkanalikni bozor ham kotarmaydi bari bir. Ha, hozir chiqyapti, ba'zilari kurakda turmaydi, ba'zilari boshda tuturiqsiz edi, hozir yo'lini ham, o'quvchisini ham topib olyapti. Ularning qay birini o'qish masalasiga kelsak, bu yo'giga har kimning ixtiyori o'zida. Men, masalan, o'qimayman, o'qisam ham hozir ko'payib borayotgan bu nashrlarning o'zi nima ekan, deb qiziqqanimdan. Keyin, hozir shunaqa gazetalar ortasida ham tabaqalanish boshlanyapti, bir qismi ko'chaga tanda qurib olayotgan bo'lsa, boshqalari bu darajadan yuqoriroqqa kotarilyapti.

- OAVning hamma turi xususiylashib ketadi, degan gap ehtimol sizni ham oylantirayotgandir?

OAVning xususiylashib ketishida men xavotir ko'rmayman, aksincha, bu - so'z erkinligiga qarab yurish, matbuotning xususiylashuvi - demokratiyaning muhim shartlaridan bittasi. To'g'ri, xalqimizda «aravasiga tushsang, qoshiğini ham aytasan» degan gap bor, lekin matbuot masalasida qoshiq arava egasiniki emas, unga chiqqanlarniki. Ya'ni, qaysi qoshiqning qanday aytilishi matbuot mulki egasiga emas, mushtariylarning bilim-saviyasi, qiziqish-manfaatlari darajasiga bog'liq. Demokratik mamlakatlarda hozir juda ko'p OAV xususiy, butun boshli matbaa konsernlari davlatga qarashli emas, lekin biron-bir matbuot organi egasining rayiga qarab qonundan o'gishmaydi, mamlakat manfaatlariga qarshi ish qilmaydi, hammasining faoliyati o'z mamlakati konstitusiyasi doirasida. Bizdagi matbuotning xususiylashuvi jarayoni hozir havaskorlik darajasida, xususiy gazetalarimiz o'quvchining qiziqishlarini paypaslab ko'ryapti, ba'zan ko'zini yumgan holda, chunki endi shakllanyapti. Agar shu holatida turaversa, oylanishga sabab kelib chiqadi, lekin hozirgi atak-chechak davridagi pastu balandliklari tabiiy, sog'lom bozor raqobati hali hammasini yo'lga soladi.

Adabiy tanqid... hayrat domida

- *Adabiyotshunos sifatida otkir maqolalaringizni kop oqiganmiz. Lekin bugungi kunda aynan tanqidchilik susayib ketdi. Aslida adabiyotning, sozning qudratini adabiy tanqidchilik korsatib bermaydimi?*

- Tanqid adabiy jarayon – tirik adabiyot bilan tirik, har qalay, u - ikkilamchi hodisa, badiiy borliqning ko'zgodagi aksi. Jonli badiiy tafakkur mahsulining mushohadaga aylanishi va mushohadaning faol bo'lishi uchun unga doim yangi, teran asarlar turtki bo'lib turishi kerak. Yo'q esa, tanqid bor narsalarni qayd etishdan nari otmaydi, bir joyda depsinib qolaveradi... Bilasizmi, o'zbek adabiy tanqidchiligi haqida gapirish juda og'riqli, og'ir. Bir og'iz gap bilan munosabat bildirish insofdan emas. Shoro davrida ham tanglayimizni kotargan, yuraklarimizga bilvosita isyon cho'gini tashlagan buyuk adiblarimiz otganlar. Qodiriydan Cholpongacha, Oybekdan Abdulla Qahhorgacha, G'afur G'ulomdan Asqad Muxtorgacha, hammasini yaxshi bilasiz. Men tengilar yoshligida Odil Yoqubov, Pirmqul Qodirovning, undan keyingi avlod Erkin Vohidov, Abdulla Oripov, Shukur Xolmirzaev, Uchqun Nazarov asarlarini qanday berilib oqigan! Otgan davrlar adabiy jarayoni manzaralari Matyoqub Qoshjonov, Ozod Sharafiddinovdek ustoz tanqidchilarimiz asarlarida oz aksini topgan. Lekin buyuk adiblarimizning ichga yutilgan hayqiriqlari armon bo'lib ozlari bilan ketgan, borlari hozir xotiralarida aytyaptilar. Faqat aytilmagan fikrlar oqibati o'laroq adabiy tanqid qancha yoqotganini hozir hech kim bilolmaydi... Mustaqillik cheklash, bog'ovlarning hammasini yoq qildi, ijodkorning fikrini erkin kengliklarlikka olib chiqdi va... bepoyon kenglik bilan aqlni tong qoldirdi. Adabiy tanqid – adabiyotning aqli hozircha ana shu hayrat domida, uni oziga keltirish uchun bugunning baquvvat asarlari kerak.

- *Ijodkor insonning konglini muhabbat tuyg'usisiz tasavvur qilish qiyin. Unga shaxsiy munosabatingizni bildirib otsangiz.*

- Men ham nafaqat konglimni, balki umuman hayotimni shusiz tasavvur qilolmayman. Shaxsiy munosabatim ham shu.

TVga qaytgan odamlar

- *Televideniada joshqin jarayon ijod vaqtingizga yoki bo'lmasa ijodiy faoliyatingiz telejarayonlarga xalal bergan paytlari bo'lib turadimi va qanday yol tutasiz?*

- Hammasi telejarayonning ichida. Menga kechqurun soat on-on birlardan keyin yozish emas, balki yozish haqida orzu qilish imkoniyati qolgan, xolos. Keyin... televideniadagi ishning oziga xos ohanrabosi bor, ertalab kirgan boyi ketgingiz kelmaydi, yarim kechasigacha oralashib yuraverasiz. Mening-ku, kun boyi qiladigan aniq ishlarim bor, efir tashvishlari ba'zan yarim kechagacha qoyib yubormaydi, lekin bizda ishlayotganlarning hammasi shunday. Ba'zi kishilar bor, uch-tort marta boshab, yana so'ginib qaytib kelgan. Siz aytgan telejarayonning

sehru jodusi rashkchiroq shekilli, boshqa ijodiy faoliyatga kun bermaydi, lekin ijodning ornini bosadigan kop imkoniyat ham beradi. Matbuotda on yil qatnashib hech kim tanimasligi mumkin sizni, lekin televideniya bir kunda mashhur bolishingiz mumkin. Arzirli chiqish qilsangiz albatta. Va yana sizning bir chiqishingiz ekranda ozlari korinmaydigan onlab odamlarning mehnatiga bogliq ekanini unutmangiz. Shunday odamlar bilan birga ishlash har qanday ijodu shuhratning orni bosib ketadi.

- *Hayotdagi shioringiz?*

Shuni sira oylab kormagan ekanman. Savolingizdan keyin hayron turib qoldim – rostdan ham odamning shiori bolishi kerakmi? Kongilda Ollohning zikri bolsa, adashishdan Ozi asrasa, shu kifoya emasmi?

Seriallar va million-million dollarlik reklama

- *Siz rahbarlik qilib kelayotgan telekanal orqali namoyish etilgan kopgina teleserial tomoshabinlar tomonidan iliq kutib olinmoqda. Rejaga kiritilgan yangi teleseriallar haqida ham fikr bildira olasizmi va seriallarga munosabatingiz qanday?*

- Teleseriallarning hammasi ham ozbek tomoshabini istagan darajada emas. Hozir televideniya ekranlaridagi seriallar qanchalari ichidan saylab-saralab olib, yana tozalab efirga uzatganlarimiz. Tomoshabinlarimiz shularning milliy urf-odat, tarbiya an'alarimizga zid joylariga e'tiroz bildirib turadilar. Yaponlarning «Oshin», koreyslarning «Qish sonatasi» seriallari bundan mustasno. Bularni tomoshabinlar haqiqatan ham iliq kutib oldi. «Ozbekiston» telekanali rejasida «Yoz ifori» degan yana koreys teleseriali bor, buni hamkorimiz «Samsung» firmasi taqdim etgan, serialning koreyscha nusxalari, ingliz tilidagi matni kelgan, korib oldik, «Qish sonatasi»dan kam emas. Hozir tarjima qilinyapti. Meningcha, shu teleseriallar bizning teleserial degan narsaga munosabatimizni yaxshi tomonga o'zgartirdi. Lekin bundan asarlar kam. Juda kop seriallar bir-biriga oxshaydi: bir mamlakatning hamma yigiti bitta qizga oshiq, hamma qizlar esa shu qizning xushtoriga shaydo, boshqalar esa shularning yo tashvishi yo g'iybati bilan ovora, xullas, ishq mojarosi. Yuzaki, sayoz sarguzashtlar, gaplar ham, voqealar ham takrorlanaveradi, bitta gapni ontasi qayta-qayta chaynaydi. Lekin seriallarning sirti shunday: ortacha tomoshabinning ermakka chaqadigan pistasi, uy bekalari, ishdan horib kelgan odamlarni hayot tashvishlaridan chalgitadigan ovuncho'gi, ichi esa tomoshabinni oylar, yillar davomida har kuni ma'lum bir soatda ekran oldida tutib turishga qurilgan alohida bir san'at biznesi. Seriallar kelib chiqqan vatanida million-million dollarlik reklama keltiradi, teleradiokompaniyalar shu mablag' hisobiga nafaqat yashaydi, balki xayolga sig'maydigan daromad topadi. Bizda milliy teleserialning «Kongil kochalari», «Charxpalak» singari ilk namunalari yaratildi, lekin hali tomoshabinlarimiz kutgan darajada kop qismli teleasarlar yaratish masalasi ertangi kunlarga qolib turibdi.

“Yana hayiqadiganim – nodonlikdan”

- *Nimalardan ruhlanasiz, hayratga tushasiz yoki hayiqasiz?*

- Kitob o'qib ruhlanaman. Na teleekrandagi badiiy film, na konsert dasturi va na toy davrasi, hech biri meni yaxshi kitobchalik ruhlantirmaydi... Qiziquvchan odam ko'p narsadan hayratlanadi, men ham shunday, qaysi birini aytishga hayronman. Hayiqishga kelsak, albatta, eng avvalo imonsizlikdan hayiqaman, xudodan qorqaman, yana ko'p hayiqadiganim nodonlikdan. O'qigan, o'rgangan, bilimli odamlarning nodonligidan. Bir bo'lmağur g'oya, bir bema'ni fikr illati, sarob bir tushuncha ortida bir kishi yo birnechta bo'lib emas, totalashib, o'qib ergashadigan guruhlarning jamoa nodonligidan juda hayiqaman.

- *Muhabbat ma'budasi bo'lgan ayollarga yaqinlashib kelayotgan bayramlarida nima sovğa qilishni ma'qul ko'rasiz?*

- Muhabbat ma'budalari... on sakkiz yoshda paytlarimizda shunday edi. Ular osmondan yerga tushib, joyini topib, uy bekasi, ona, biz tengilari hozir nevaralik bo'lib, bolalarining uyini qorib otiribdi. Gulgun ochilib yurgan paytlari shirin xotiraning royobi bo'lib qiz nevarasining boy-bastida aks etadi. Xullas, biz bilgan muhabbat ma'budalari allaqachonlar o'z oilasining ma'budasiga aylanib ketgan... Sovğa masalasi sal muammo. O'zbekchilik, yana mahallada turamiz, guldasta kotarib yurish sal erish ko'rinadi, lekin bari bir, bayram kunlari uyimiz gulsiz bo'lmaydi. Mening ayniqsa bayram kunlari ishim tigiz, shuning uchun sovğani ikkovimiz nomimizdan o'glimga oldirtiraman. Har qalay u yosh, kelinga, singlisiga, ayasiga nima narsa olishni yaxshi biladi. Umuman, ota tomonidan oilasidagilarga eng yaxshi sovğa uning faqat bayram kunlari emas, hamisha uyidan kulib chiqib, kulib kirib yurishida deb bilaman. Ayol zoti uchun bundan quvonchli hadya yo'q.

Mushtariylarga tilaklaringiz bolsa, marhamat!

- Inson juda ko'p narsani orzu qiladi. Lekin hamma orzularining tagida «uyimda, bolalarim bilan o'zim topgan bir burda nonimni tinchgina esam», degan oddiygina baxt orzusi yotadi. Ana shu tinchzamonning oddiy baxti qolgan hamma baxtlarning onasi bo'ladi, hamma baxtni shu katta qiladi. Mushtariylarga shu tinchlik baxtini va mas'uliyatini doim anglab yashashni tilagan bo'lardim.

“Darakchi” 2004 yil 1 mart